

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Siulittaasup nalunaarutaa.**

**Aningaasaqarnermut tunngasut**

**Imm. 03 Balance-t.**

**Suliassat nalinginnaasut**

**Imm. 04 Nuutersornermut pikkorissaasussamik,nunaqqatigiinnut tamanut tusarnaartitsisussanik qinnuteqaat.**

**Imm. 05 Aalisartut neqitsersuisarfissaannik ujartuineq.**

**Imm. 06 KNI ”Pilersuisoq”-mut allagaqaqqinnissaq illut nutaanngitsut pillugit.**

**Imm. 07 2019-mi suut pitsanngorsarsinnaavagut ? Sulisut suliarisartagaallu eqqarsaatigalugit ?**

**Imm. 08 Umiarsuarmut ilaasussanut utaqqisarfissamut tunngasoq.**

**Imm. 09 Peqatigiiffitsialammik toqqaanissaq.**

**Imm. 10**

**Paasissutissiissutit / Ilisimatitsissutit**

**Imm. 11 Tamalaat.**



*Nunaqarfinmi aqutsisut ileqquusumik ataatsimiinnera*  
*14.November 2018 nal.13:00 12/18*

Ataatsimiinneq aallartippoq nal. 13:00

*Peqataasut:*

***Atassut***

Albrichtine Lyngø

***Siumut***

Barnabas Larsen  
Efraim Olsen

*Nalunaaruteqarlutik peqataanngitsut:*

*Nalunaaruteqaratik peqataanngitsut*



**Imm. 01 Oqaluuserisassat akuersissutigineri**

**Aalajangiineq**

Tusaatissatut tiguneqaput.



**Imm. 02 Siulittaasup nalunaarutaa**

Ilanngussaq 1.

Siulittaasup nalunaarutai.

**Aalajangiineq**

Tusaatissatut tiguneqarput.



**Imm. 03 Balance-t**

Maleruagassatigut tunngavissat.

Balance-t 08.November 2018-meersut  
Karseqarnikkut Qeqqata Kommunia-ta maleruagassaa.

**Innersuussut**

Innersuussutigineqarpoq ilaasortanit tusaatitut tiguneqassasut.

**Aalajangiineq**

Tusaatissatut tiguneqarput.

**Imm. 04 Nuutersornermut pikkorissaasussamik, nunaqqatigiinnut tamanut tusarnaartitsisussanik qinnuteqaat.**

*J.nr.*

Tunuliaqutaq:

Sunngiffimmi pisortap, Maalia Willumsen-ip allagaqarluni saaffiginnissutaa oqaluuserisassatut siulittaasumit Barnabas Larsen-mit akuersissutigineqarpoq.

Nuutersornermik pikkorissaasussatut Peter L Josefsen Maniitsumiit Kangaamiunukarnissa 17.November 2018 aggersarneqarpoq, piffissamilu 19-23.November 2018 Kangaamiuni piumasunut nuutersornermik ilinniartitsisinnaalluni akuersereerluni. Siunertarineqarpoq nunaqqatigiit erinarsornermik soqutigisallit erinarsoqatigiinnut ilanngunnissaminut kajumissaarnissaannik, taamatullu aftenskole-ni nuutersorneq ilanngunneqarsinnaammat nuutersornermik ilinniartut akornannit soqutigineqassappat, soqutiginnittoqarnera malunnarmat. Saniagut: Nunaqqatigiinnut tamanut tusarnaartitsinermik naggaserneqarnissaa siunertaavoq, tassani nuutersornermik ilinniartut peqataasinnaapput.

Pattannermik pikkorissaasoq akissarsiaqartinneqassaaq: **3.000,00 kroner.**

Maniitsumiit Jens Gustav ilanilu juullerpalaartunik tusarnaartitsisinnaallutik 24-25.November 2018 taakkulu akuersereernikuupput.

Nerisaqarneq eqqarsaatigalugu aningaasat qinnutigineqarput: **3.000,00 kroner.**

Pikkorissaasusaaq-tusarnaartitsiartortussallu aningaasartuutissaat tamaasa katillugit: **11.400,00 kr.**

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai konto: 1820603501 ulloq 8.November 2018 ima annertutigisunik imaqarpoq: **105.000,00 kroner.**

**Innersuussut**

Allaffeqarfiup innersuussutigaa, konto: 1820603501 atorlugu tapiisoqassasoq, tamannali pereernikuuvoq allagaq saaffiginnissut tiguineqarmat siulittaasumit akuersissutigineqarluni.

**Aalajangiineq**

Akuersissutigineqarpoq.



**Imm. 05    Aalisartut neqitsersuisarfissaannik ujartuineq**

*J.nr.*

Tunuliaqutaq:

Oqaluuserisassanngortitsisoq siulittaasoq Barnabas Larsen.

Aalisartut neqitsersuisarfissaannik ujartuineq nangeqqillugu siulittaasoq oqaluuserisassanngortitsivoq.

3.Oktober 2018 ataatsimiinnermi eqqartugaq nangillugu, KAPP siulersuisuisa ataatsimeeqatiginerani paasinarsimmat siunnersuut akuerineqanngitsoq allamik ujartuisoqarpoq.

**Innersuussut**

Allaffeqrarfiup innersuussutigaa, RG-ip ningiua Arona Levisen,kiisalu KAPP-mi siulersuisuni ilaasortaq ataaseq ataatsimiinnermi aggersarneqassasut.

**Aalajangiineq**

KAPP-ip kissaatai.

RG Maniitsoq saaffigineqassaaq Ningittakkat/Qassutit Maniitsumi aalasartunut neqeroorutaasut assinginik Kangaamiuni peqarsinnaanersoq Aronapmisissussavaa.

Neqitsersuisarfik/Piniuseriffik RG tapiissuteqarsinnaanersoq Aronap paasiniassavaa.

Aqutsisut toqqavissaq piukkussaq sannaviup avannaatunga misissortissavaat. 2019-imilu piviusunngorsinnaanersoq aqutissiussallugu.

Ataatsimiinnermi aggersarneqarlutik peqataapput: RG-ip ningiua Arona Levisen kiisalu KAPP –ip siulittaasua Jens Lyberth.



**Imm. 06 KNI "Pilersuisoq"-mut allagaqaqqinnissaq illut nutaanngitsut pillugit.**

*J.nr.*

Pissutsit atuuttut:

Ilanngussaq 1.

Oqaluuserisassanngortitsisoq siulittaasoq Barnabas Larsen.

Oqaluuserisassanngortitsisoq ujartuivoq ulloq 17.Maj 2017 nunaqarfimmi aqutsisut ataatsimiinnerminni eqqartugaat kiisalu KNI Pilersuisumut saaffiginnissut ulloq manna tikillugu suli akineqaqqimmata.

Illut pineqartut B 77 / B 78-lu eriagisassatut allassimanngimmata allakkatigut saaffiginnissutaanikuupput.

**Innersuussut**

Allaffeqarfiup innersuussutigaa, allagaq saaffiginnissutaanikoq ilassuteqarfigalugu saaffiginnittoqaqqissasoq.

Ilaasortaniilli oqallisigineqaqqaartariaqartoq.

**Aalajangiineq**

KNI Pilersuisoq-mut allagaqaqqittoqassaaq.



**Imm. 07 2019-mi suut pitsannhorsarsinnaavagut ? Sulisut suliarisartagaallu  
eqqarsaatigalugit ?**

*J.nr.*

Tunuliaqutaq:

Oqaluuserisassannhortitsisoq siulittaasoq, Barnabas Larsen.  
Sulisut pitsannhorsaaavineqarnissaannut Kommunimi sulisuuneq kajungernartuutittuassagutsigu  
pissutsit atuuttut eqqarsaatigalugit orniginarsaaneq amigaatigisarparput. Pingaartumik  
Nunaqarfimmi. Sutigut Politikkikkut sulisut aalajaatsut eqeersimaartut nunaqarfittalu iluani  
suleqataalluurtut pilersinniarlugit iliuuseqarniarsinnaavugut ?  
Ajunngitsorsiaqartissinnaaneri inatsisini ajornakusoorput, allatigulli atukkanik  
pitsannhorsaaasinnaasunik eqqartuisitsinissaq kissaatigineqarpoq. Illu iluaqummi. Utoqqaat  
illuanni. Atuarfimmi. Meeqqerivimmi. Kommunip allaffiani kiisalu silami sulisuni.

**Innersuussut**

Allaffeqarfiup innersuussutigaa, siunnersuutigineqartoq ilaasortanit oqallisigineqassasoq.

**Aalajangiineq**

Sulisut ataatsimoortinneqarnissaat kissaatigineqarpoq.

Siulittaasumit allaffiullu pisortaanit isumagineqassaaq.



**Imm. 08 Umiarsuarmut ilaasussanut utaqqisarfissamut tunngasoq.**

*J.nr.*

Tunuliaqutaq:

Allagaq neqeroorut, ”Sanasut 2017 I/S”-meersoq oqaluuserisassatut siulittaasup Barnabas Larsen-ip akuersissutigaa.

Sinersortaammut ”Sarfaq Ittuk”-mut ilaasussanut utaqqisarfissamut neqeroorut.

Ukioq 2016-mi ”Nunaqarfinnut aningaasaliissutinut” akuersissutaanikuugaluarpoq utaqqisarfiup sananeqarnissaa, pissutsilli assigiinngitsut pissutigalugit sananeqanngitsoornikuulluni.

Massakullu qinnutigineqarpoq neqeroorut ima annertugisoq: **138.400,00 kroner**

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai konto: 1820603501 ulloq 8.November 2018 ima annertutigisunik imaqarpoq: **105.000,00 kroner.**

**Innersuussut**

Allaffeqarfiup innersuussutigaa, ukioq 2018 konto:1820603501-miittut amigalernikummata ukioq 2019-mut neqeroorut kingartinneqassasoq, tamannali ilaasortanit oqallisigineqaqqaassaaq.

**Aalajangiineq**

Ukiup tullianut 2019-mut utaqqitinneqassaaq.



**Imm. 09 Peqatigiiffitsialammik toqqaanissaq.**

*J.nr.*

Tunuliaqutaq:

*J.nr.*

Oqaluuserisassanngortitsisoq siulittaasoq Barnabas Larsen.

Ukiut tamaasa ”Peqatigiiffitsialak”-mik toqqaasoqartarpoq ukioq mannalu tamanna aamma ingerlanneqassaaq.

Pissutsit atuuttut:

”Peqatigiiffitsialak”-mik toqqaasoqaraangat nunaqarfimmi aqutsisut assiliaatissamik aningaasanillu tunissuteqartarput tamannalu ukiut tamaasa pisarpoq.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai konto: 1820603501 ulloq 8.November 2018 ima annertutigisunik imaqarpoq: **105.000,00 kroner.**

**Innersuussut**

Allaffeqarfiup innersuussutigaa, siunnersuutigineqartoq allagarsiinikkut saqqummiunneqassasoq. Ilaasortanilli oqallisiginineqqaassasoq.

**Aalajangiineq**

Allagarsiunneqassaaq 30/11/2018 siunnersuut killilerlugu.



**Imm. 10**

**Paasissutissiissutit / Ilisimatitsissutit**

1. Nunaqarfimmi aqutsisut ataatsimiinneranni imaqarniliaq ulloq 3/10/2018-meersoq
2. Allaffiup pisortaata nalunaarutaa qaammat Oktober 2018.
3. "Oqalliffik" 30/10/2018 imaqarniliaq.



**Imm. 11 Tamalaat.**

- Orpik –Meeqquvimmiumut ikissavaat oqaaseqarneq A.Lynge tigummissavaa.
- 1/11/2018 meeqqervik igasortaarpoq.



*Nunaqarfimmi aqutisut ileqqusumik ataatsimiinnera*  
*14.November 2018 nal.13:00 12/18*

Ataatsimiinneq naammassivoq nal.14:50

